



## **TUS TXHEEJ TXHEEM ROV TXHEEB XYUAS THIAB ROV MUAB LOS HAIS DUA RAU COV KEV TXIAV TXIM SIAB TXOG KEV TSIM TXOM THIAB TSIS SAIB XYUAS ME NYUAM**

REVIEW AND APPEAL PROCESSES FOR DETERMINATIONS OF CHILD ABUSE AND NEGLECT

### **QHOV XUB PIB COV KEV TXIAV TXIM SIAB (INITIAL DETERMINATIONS)**

Qhov kev xaus lus los ntawm Child Protective Services (CPS) pom tau tias txoj kev tsim txom los yog tsis saib xyuas me nyuam tau muaj tshwm sim muab hu tias yog qhov Xub Pib Qhov Kev Txiaiv Txim Siab (Initial Determination).

Yog tias CPS tau nrhawv qhov xub pib txoj kev txiaiv txim siab tias koj tau tsim txom los yog tsis saib xyuas ib tus me nyuam, tej zaum koj kuj yuav thov tau ib lub chaw ua hauj lwm kom nrog txheeb xyuas tsis pub dhau 15 hnuv suav txij hnuv uas tau txais Daim Ntawv Ceeb Toom Txog Qhov Xub Pib Qhov Kev Txiaiv Txim Siab (Notice of Initial Determination). Thov muab daim foos ua kom tiav feem uas piav qhia txog tias yog vim li cas koj thiaj li tsis pom zoo raws li Qhov Xub Pib Qhov Kev Txiaiv Txim Siab (Initial Determination).

### **LUB CHAW UA HAUJ LWM TXHEEB XYUAS TXOG QHOV XUB PIB QHOV KEV TXIAV TXIM SIAB TXOG KEV TSIM TXOM THIAB TSIS SAIB XYUAS ME NYUAM:**

Tus Txheej Txheem Kev Txheeb Xyuas Rau Lub Chaw Ua Hauj Lwm:

- Tej zaum koj kuj ntiav tau ib tus kws lij choj uas koj ua tus them. Yuav tsis muab ib tus rau koj.
- Tej zaum koj kuj hais tau lus thiab/los yog muab cov ntawv sau ua pov thawj tuaj tau.
- Tej zaum koj kuv yuav thov kom tau ib tus neeg txhais lus los ntawm lub chaw ua hauj lwm, yog tias koj xav tau.
- Tej zaum koj yuav coj tsis tau cov neeg ua tim khawv tuaj rau ntawd.
- Tej zaum koj yuav tsis txhob nug lub chaw ua hauj lwm cov neeg khiav dej num.
- Lub chaw ua hauj lwm tsis tas muab cov ntawv pov thawj los qhia los yog cov neeg ua tim khawv.
- Qhov kev txheeb xyuas yuav teem siv sij hawm qhov tsawg kawg yog ib teev.
- Qhov kev txheeb xyuas tej zaum yuav muaj los ntawm hu xov tooj los yog ntsib tus neeg kiag.
- Yuav sau ntawv tuaj ceeb toom txog Qhov Kev Txiaiv Txim Siab Zaum Kawg (Final Determination) tsis pub dhau 15 hnuv tom qab qhov kev txheeb xyuas.

### **QHOV KEV TXIAV TXIM SIAB ZAUM KAWG (FINAL DETERMINATIONS)**

Tom qab qhov kev txheeb xyuas tas, LOS YOG yog tias koj tsis thov kom muaj qhov kev txheeb xyuas, lub chaw ua hauj lwm yuav ua ib daim ntawv uas yog Qhov Kev Txiaiv Txim Siab Zaum Kawg (Final Determination) txog qhov seb koj puas tau tsim txom los yog tsis saib xyuas ib tus me nyuam.

Qhov kev txiaiv txim siab zaum kawg seb puas tau tsim txom los yog tsis saib xyuas me nyuam tej zaum yuav muaj feem xyuam rau koj kev ua dej num los yog lwm yam hauj lwm uas yuav tau ua qhov kev tshawb keeb kwm yav dhau los ntawm ib tus neeg muab kev pab tu lwm tus seb zoo li cas.

Tej zaum koj kuj yuav kom rov hais dua rau qhov kev txiaiv txim siab zaum kawg los ntawm qhov uas koj xa daim "Child Maltreatment Contested Case Hearing Request" foos tsis pub dhau 10 hnuv tom qab uas tau txais daim ntawv ceeb toom txog Qhov Kev Txiaiv Txim Siab Zaum Kawg (Final Determination) txog qhov uas qhia tau qhov tseeb.

## **DIVISION OF HEARINGS AND APPEALS (DHA): MUAB QHOV KEV TXIAV TXIM SIAB ZAUM KAWG LOS HAIS DUA TXOG KEV TSIM TXOM THIAB TSIS SAIB XYUAS ME NYUAM**

DHA cov txheej txheem:

- Tej zaum koj kuj ntiav tau ib tus kws lij choj uas koj ua tus them. Yuav tsis muab ib tus rau koj.
- Tej zaum koj kuj thov tau ib tus neeg txhais lus, yog xav tau.
- DHA yuav muaj ib lub rooj los hais cov plaub tsis pub dhau 90 hnuv tom qab uas koj tau ua ntawv thov, tsuas ntshe tus kws txiav txim plaub ntug muab koj rooj plaub no ncuu tseg (muab tuav tseg cia) vim muaj txim txhaum los yog muaj kev cuam tshuam nrog rau hauv tsev hais plaub.
- Yuav muaj ntawv tuaj ceeb toom tuaj qhia rau koj paub txog DHA qhov kev txiav txim siab tsis pub dhau 60 hnuv tom qab uas hais koj rooj plaub tas.

### **KEV TXHEEB XYUAS QHOV UAS UA KOM ROV ZOO TUAJ (REHABILITATION REVIEW)**

Yog tias koj muaj Qhov Kev Txiav Txim Siab Zaum Kawg (Final Determination) txog kev tsim txom thiab/ los yog tsis saib xyuas me nyuam tej zaum kuj yuav ua rau koj ua tsis tau hauj lwm raws cai rau tej yam hauj lwm thiab tej hauj lwm ua yuav tsum tau ua qhov Wisconsin Caregiver Background Check.

Qhov kev txheeb xyuas ua kom rov zoo tuaj tso kev rau koj los mus qhia kom paub tias cov me nyuam, cov neeg laus uas ntxias tau yooj yim, los yog cov neeg mob yuav muaj kev kaj huv nyob nrog koj los yog cov uas tuaj rau koj tu.

Kev nrhiav tau qhov uas ua kom rov zoo tuaj tej zaum kuj yuav tsis pub ib tus neeg tu lawm tus ua ib yam dab tsi li, tso cai rau tus neeg tu lwm tus ua txhua yam, los yog tsuas pub kom tus neeg tu lwm tus muaj cai ua qee yam xwb tsis li ces yuav raug txwv tsis pub ua los ntawm Qhov Kev Txiav Txim Siab Zaum Kawg (Final Determination) txog qhov tsim txom los yog tsis saib xyuas raws li tsab cai Caregiver Law.

Kev Txheeb Xyuas Qhov Uas Ua Kom Rov Zoo Tuaj (Rehabilitation Review) tej ntawv qhia kom paub rau cov koom haum uas tsis zwm rau leej twg li muaj cai tswj los ntawm Wisconsin Department of Health Services:

- DHS Office of Legal Counsel (608-266-8428)
- <https://www.dhs.wisconsin.gov/publications/p6/p63160.pdf>

Kev Txheeb Xyuas Qhov Uas Ua Kom Rov Zoo Tuaj (Rehabilitation Review) tej ntawv qhia kom paub rau cov koom haum uas tsis zwm rau leej twg li muaj cai tswj los ntawm Wisconsin Department of Children and Families:

- DCF Office of Legal Counsel (608-261-8671)
- <https://dcf.wisconsin.gov/rehab-review>

Lub Department of Children and Families yog ib lub chaw hauj lwm thiab chaw muab kev pab uas muaj vaj huam sib luag. Yog koj muaj ib qho tsis taus thiab xav tau kev pab, xav tau cov ntaub ntawv muab sau ua ib hom ntawv, los sis xav kom muab cov ntaub ntawv txhais ua lwm hom lus, thov hu rau (608) 266-8787. Cov neeg uas lag ntseg, hnob lus tsis zoo, dig muag los sis muaj ib qho tsis taus tshwj xeeb tuaj yeem siv tus xov tooj hu dawb Wisconsin Relay Service (WRS) – 711 hu mus rau lub chaw ua haujlwm.